

Hingpa Hing Na Pachang Ma?

70%

5M
18+

Kung 2015 Ruopuv Atlawna lieta me a pasuo khu riypana bangkhua chung taata 70% hraw me ama pasuo.

Avaw riypana kung 2020 Ruopuv Atlawna lieta kung 18 cung hne a yikhana me a pasuo riypana mingnu 5 million ama aw.

Me cazing lieta na ming aa te kie dyina me na pasuo khu aa. Cata acuonakawta me pina naw naa sung pathlyi li riypana Me cazing ama taa ningta khan a ming aa te ma, tapa vaa mang tie. Ruohrang lu na aw chungta a cuo kie zawma online taata mang khupa a cuo ngiethie. Ata hne ata na ve pari ca aa hu aa.

Covid-19 kawta na me pasuo riypana a sung lieciy. Hnaatluona zung taata ruena pina kha na ziy aa. Nama hne cawsaa hrangpa tie hnaatluona cuota ruepuona cangta aa bangsa pata aw la, na ming aa tema, a te vama tapa ca va mang pasie tie.

COVID-19

Kiema ima kiecahriy hing muo a hnyi hringhruo. Na rehriehne tie kha pa-uvsthyi tie. Nama hne nama kha a pauvsthyi tie. Hnaatluona zung taata aca changpa mekaa kha ziy tie.



Na kuv kha ata hne ata ta a siy tie.



Na pakhu, na hathy kieca na hmia hne na hnacabuv kha naa pahruv aa.



Na hmie kha na kuv ta a hrie'a vaciy.



Malie kuv a buo khah.



Cawsaa hneta aa hlasa pata na aw aa.



Hmiepahruv naa pahruv aa.



Me a pasuo riypana tie'a lu - "Kama ta me a pasuo riypana nama bangkhua ta I ca taa khingpa yi ca - me na pasuo khu riypana ta me cazing khan a vaa mang aa. Na ming kha me cazing lie a aw riypana ta aphasapata na tue aa. Hingpa hing nama na cuvutana a cuo."

U Hla Thein
Ohkathah Ruopuv Atlawna Kawmasing.

- Ruopuv Atlawna Kawmasing Facebook : <https://www.facebook.com/uecmyanmar>
- Ruopuv Atlawna Kawmasing Website : <https://uec.gov.mm>



Ruopuv Atlawna Kawmasing



ME CAZING LIE NA MING AA TE MA?



Ata bala hingta va che tie
Kung 2020 July thlaa ning 25 taata August ning 7 te, na khy/khytluo/ohsuh Atlawna Kawmasing zung lu kha
Na ming aa te ma, tapa kha va mang tie.

Me Pasuo Khu Riyata Ca Na Ming kha Me Cazing Lieta a Aw aa.



Duo 1

Me cazing ama taa pahneta na ming aa te ma, tapa nava mang aa. Khaapa thuema cazing ama taa aa, tapa kha na khiehriy aa.



Duo 2

Me cazing chung lieta na ming aa te kieca, Kung 2020 Ruopuv Atlawna lieta me na pasuo khu aa, tana pa a cuo tli.

Pachangriypa: Me cazing lieta pare riyipa, bechiy riyipa, para riyipa na hmung kieca Duo 3 lieta haa hingta na tue aa.



Duo 3

Pare riyipa a aw kieca – Acuza ta a tuepa Pungsan dyita pare riyipa a cuo aa.

- Me cazing lieta na ming a aw li kieca – Pungsan- 3
 - Na kawluo a paa kieca – Pungsan 4-C
 - Me a pasuo li riyipa ming aa te kieca – Pungsan 4
- Me cazing ama taa taata ning 14 chung lieta Atlawna Kawmasing zung luu saw khu pata a cuo. Hmatpungtin meiktu hne Khy lieta na awna Thaukhansa hne a hrangpa caa zaw aa huna haata na chiykhyi aa. Amuo pi a hu vyi.
- Na za awtawna khy lieta cuo li pata hman hrangpa lieta ning 90 laata a hluvvie aw cate me na pasuo khing kieca Pungsan-3. A kha Atlawna ning hluo, ning 30 hluota na saw aa.



Duo 4

Na sawpa kaw kha khy/ohsuh kawmasing zung lieta ning 7 chungta aphi na hiehriy aa.



Duo 5

Aphi kha na palung a tling li kieca, Myone Atlawna Kawmasing zung luu ning 3 chunglie paakiena na tue pakhaa khu. Myone Kawmasing ta a catlipa ta biechina a ca tuepa aa.



Hiehriyna 1

Kama i ming ca SanSan tana i cuo. Kama paa ming me cazing lieta a te valaa te, tuokhaatama i tue aa?

Paliena 1

Me a pasuo khu riyipa a ming kha me cazing lieta aa te li kieca Pungsan- 3 lieta cape pata cazing ama taana ning 14 chunglie khy/ohsuh Kawmasing zung lieta saw riyipa ta a cuo. Nama paa a hmatpungtin hne caa hrangpa aa hupa zaw kha na chiykhyi puo aa.

Hiehriyna 2

Kama i ming ca U Chit tana i cuo. Me cazing lieta i kawluo na ama paa; tuokhaatama i tue aa?



Paliena 2

Me cazing lieta na kawluo ama paa kieca Pungsan 4-C lie kha cape la ning 14 hluota khy/ohsuh kawmasing zung luu kha na saw aa.

Hiehriyna 3

Kama ca Mya Mya tana i cuo. Me a pasuo khu li riyipa ming cazing lieta a te te, tuokhaatama i tue aa?



Paliena 3

A te li riyipa cawsaa ming me cazing lieta aa te kieca Pungsan - 4 liekha cape la ning 14 chung lieta khy/ohsuh kawmasing zung luu na pi aa. A cuo lina kaw kha caa ta na chiykhyi puo aa. (Me cazing hrangpa luu a awpa kha kankuat khu vaciy).

Hiehriyna 4

Kama ca May Oo tana i cuo. Kung 2020 June thlaa liekhiy kung 18 i tling aa. A vav riyipa Atlawna lieta me i pasuo khu ra'a ma?



Paliena 4

Me a pasuo khu riyipa na cuo kieca me cazing lieta na ming aa te aa hu. Na ming aa te li kieca khy/ohsuh kawmasing zung lieta Pungsan- 3 a la la, na kawluo kha cape la, ning 14 hluota kawmsing zung lieta na saw aa.

Hiehriyna 5

Kama ca Pan Eih tana i cuo. I za awtawna khy taata khyhrang luu khytlaw angte Atlawna ning ta khy luu chiy hmuo'a va ang..



Paliena 5

Ata na phana khy lieta ning 90 laata a hluvvie aw tli cate capa lieca me na pasuo khing kieca, Kawmasing zung lieta Form 3-A hie la araw luu caa hne hingta na saw khu.

- Re na hriena zung/company taata caa
- Khybyi taata ning 90 hlyi na awtina thaukhansa caa. Pungsan 3-A lieta kha cape la Atlawna ning hluo, ning 30 hluota Kawmasing zung luu na saw aa.